

V g
1625



25

tutti.

Handwritten musical notation on the right edge of the page, including a red treble clef and several notes.



tutti.

258

trac.

Choral.

1570

(24.)



Alti: Africa.

The image shows a page of handwritten musical notation on five staves. The music is written in G major (one sharp) and appears to be in a 3/4 or 4/4 time signature. The notation includes various rhythmic values such as eighth, sixteenth, and thirty-second notes, as well as rests and accidentals. There are several dynamic markings: *tutti* is written between the second and third staves, and *Alti Subito* is written at the end of the fifth staff. The manuscript shows signs of age, including some staining and foxing.



TESTAMEN-
TVM DOCTO-
RIS GEORGII
MAIORIS.



PSALM. CXXVI.

Du mit Ehrenen seen / Werden mit Freuden
erndten.

Sie gehen hin vnd weinen / vnd tragen edlen
Samen / Vnd komen mit Freuden / vnd
bringen ire Garben.

Wittenberg.

Gedruckt durch Hans
Lufft.

Anno M. D. LXX.



TITELBLATT

ALPHABET

VON GEORGI

MAIORIS

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

TESTAMENTVM
DOCTORIS GEOR-
GII MAIORIS.

WAS dem ich Georgius
Maior / nunmehr von dem 70. Jar
meines alters nicht fern / vnd in betrach-
tung solches meines hohen alters vnd
sonsten aller Menschen sterblichkeit / mich
zu einem seligen abschied aus diesem leben nu etlich Jar
teglich bereitet / vnd darnach ein herzlich verlangen bis-
hero gehabt / vnd noch habe / auch nicht gedacht hette / das
ich in meiner vielfeltigen leibs schwachheit / vnd andern mir
obligenden betrübniß / so lange hette leben sollen.

Als hab ich von wegen vieler vrsachen vnter an-
dern / beide mein / vnd meiner lieben Kinder vnd Erben /
auch der Schulen vnd Kirchen wegen / darinne ich so
viel Jar geleret / gepredigt vnd gedienet / für notwendig
geachtet / noch für meinem abschied ein deutliche / rich-
tige vnd einfeltige / den Prophetischen vnd Apostolischen
Schrifften / den Symbolis / der Augspurgischen Con-
fession vnd Apologia gemesse bekentniß vnd erklerung /
als zu meinem Testament / bezeugung vnd erklerung /
meines letzten vnd endlichen Willens / Sentenz vnd
Meinung / von dem Streit / darein ich von etlichen
meinen Widerwertigen / wider meinen willen / wie vielen
Christlichen gelarten vnd fürtrefflichen Leuten bewust /
A ij gezogen

gezogen worden / zu fassen / vnd hinder mir zuuerlassen / dar
mit meine Kinder vnd Erben / auch die ganze Kirche Got-
tes bey allen Nachkomenden gründlich wissen mögen / was
von dem Artickel der Rechtfertigung für Gott / allein durch
den Glauben / vnd dann von notwendigkeit der guten
Werck in rechtem verstand / vnd also endlich bis in meine
gruben / meine meinung vnd lehre sein vnd bleiben soll /
Darauff ich aus diesem leben mit Gottes gnediger hülffe
vnd beystand abzuscheyden / vnd für seinem Gericht ver-
hoffentlich frölich / vnd mit gutem Gewissen erscheinen
wil.

Zeuge derenthalben für Gott / allen seinen lieben
Engeln vnd Heiligen / im Himmel vnd auff Erden / das ich
von grund meines hertzens gleube vnd war halte / alles was
in der Propheten vnd Apostel schrifften / den Symbolis / der
Augsburgischen Confession / vnd derselben Apologia / vnd
dem Corpore Doctrinae Christianae dieser vnserer Lande /
Kirchen vnd Schulen / von diesen beiden Artickeln / nach
lengem nottürfftiglich geleret vnd erfleret wird / Vnd das ich
in diesen Artickeln / von der Gerechtigkeit des Menschens
für Gott / vnd von guten Wercken / auch sonst in andern
Artickeln / der ganken Christlichen Lehre niemals ein an-
dere meinung oder lehre gehabt / vnd in meinen Predigten /
Lectiōibus vnd schrifften gefüret vnd vertheidiget habe /
denn die ich nach laut der Prophetischen vnd Apostolischen
Schrifften / aus dem mund vnd büchern / der Ehrwürdigen
Herrn / D. Martini Lutheri / vnd Herren Philippi Me-
lanthonis seligen / meiner geliebten Väter vnd Praecepto-
rum / welchen ich von dem 21. Jar / bis in ire gruben befand /
vnd mit steter beywohning verwandte / gehöret vnd empfan-
gen habe / Wolte auch vnd müste mich in ewigkeit schemen /
selbs

selbs anspeien vnd verdammen / da mein Gemüt jemals ge-
wesen / von derselben meiner lieben Väter vnd Praeceptorum
lehre / vorsezlich abzuweichen / oder als ein vndanckba-
rer vergessener Discipel / vnd fast teglicher beywohner / bei-
der Herren Lutheri vnd Philippi / ire lehre / arglistiger / be-
trieblicher weise dem Papst oder einigen Menschen zu ge-
fallen / zuuorfelschen vnd zuuordunckeln / mich vnterstanden
solt haben / Gott sey zeuge vnd Richter / zwischen mir vnd
denen / die mich mit solchem vngrund vnd verleumbdung
beschweren .

DIs ist aber mein bekentnis vnd lere von der Jus-
tification vnd Rechtfertigung des sündigen Menschen für
Gott / Nemlich das allein aus lauterer vnermesslicher
barmherzigkeit vnd gnade / on alle Werck / würdigkeit vnd
verdienst / allein durch vnd omb des Mittlers des HErrn
Christi vnser Seligmachers vnd Erlösers willen / von
Gott zu gnaden angenommen vnd mit im versünet werden /
durchzurechnung der Gerechtigkeit des HErrn Christi /
vnd also Erben des ewigen Lebens vnd Seligkeit in die-
sem leben werden / alle vnd jede / so da warhafftiglich bekeret
werden / vnd glauben / das ist / die in herzlichem erkentnis
vnd bekentnis irer Sünden / vnd in erschrecken für dem
ernsten vnd gerechten zorn Gottes / wider die Sünde / auff
des Sons Gottes / als vnser ewigen Mittlers / Heilands
vnd Hohenpriesters einig verdienst / gehorsam vnd fürbitt /
herzlich vertrauen / vnd in rechter anruffung Gottes / vnd
gutem fürsatz / trost vnd hülff bey im suchen .

Als also vnzweiffelich / wie die Augspurgische Con-
fession vnd Apologia zu reden pfleget / Der Mensch allein
durch Glauben aus gnaden / on alle verdienst / würdigkeit

A iij

vnd

vnd werck / vmb des Mittlers willen gerecht / mit Gott ver-
sünet / vnd als ein Erbe ewiges Lebens / vnd Seligkeit ge-
achtet / vnd angenommen werde / wie hie von S. Paulus
spricht / So halten wir nun / das der Mensch gerecht wer-
de / on des Gesetzes werck / Rom. 3.

Item / sie werden alle on verdienst gerecht aus sei-
ner gnade / durch die Erlösung so durch Christum Ihesum
geschehen ist / welchen Gott hat fürgestellt zu einem Gna-
denstuel / in seinem Blut / durch den Glauben.

Item / Ephes. 2. Aus gnaden seid jr selig wor-
den / durch den Glauben / vnd dasselb nicht aus euch / Got-
tes gabe ist / nicht aus den wercken / auff das sich niemand
rühme.

Erwegen ich mit dem Apostel Paulo vnd der
ganken Prophetischen vnd Apostolischen schrift / von ur-
sach der Rechtfertigung vnd Seligkeit für Gott / alle vnd
jede gute Werck / würdigkeit / vnd verdienst / wie hoch man
auch dieselbige in dieser vnser schwachheit vnd verderbung /
tichten oder achten kan / je vnd allwege zu grund vnd rein
ab vnd ausgeschlossen / vnd verworffen habe / auch noch aus
grund meines herkens ausschliesse / vnd zur Rechtfertigung
vnd Seligkeit für G D E / mit Paulo nicht allein für kein
verdienst / oder ursachen derselben / sondern für dreck vnd
kot achte.

Den Rechtfertigung vnd Seligkeit / achte / halte vnd
gleube ich / ein pur lauter geschenck vnd gabe Gottes / so den
gleubigen aus gnaden vmb des HErrn Christi tewren ge-
horsams vnd Verdiensts willen / geschenckt vnd gegeben
wird / wie Paulus klar spricht / Rom. 6. Gottes gabe ist das
ewige Leben durch Ihesum Christum vnsern HErrn. Item
in obgedachtem Sprüchlin / Aus gnaden seid jr selig wor-
den /

den/Gottes gabe ist/nicht aus den Wercken/auff das sich nicht jemand rühme.

WJe nu durch gedachte Sprüchlein / aller vnd jeder Menschen werck / würdigkeit vnd verdienst / von der Rechtfertigung vnd Seligkeit / ausgeschlossen vnd verworffen werden / Also halte vnd glaube ich festiglich / das zugleich / auch alles vertrauen/vnd aller rhum / so wir in dieser vnserer grossen schwachheit vnd verderbung / vnserer werck vnd verdienst halben / vns dichten vnd machen mögen/vns genzlich abgestriekt / ausgeschlossen vnd verworffen werden / vnd dis durchaus / so oft man gedenckt/oder fraget/aus was ursach oder verdienst wir in diesem leben gnediglich auff vnd angenommen / mit Gott versönet / vnd gerecht gesprochen / vnd beide hie vnd dort zu Kindern vnd Erben ewiges Lebens vnd Seligkeit gemacht werden.

Vnd in diesem verstand / halte / lere/vnd glaub ich festiglich / auch alles das/ so der Apostel Paulus allenthalben/sonderlich aber zun Röm.am 4. Cap. von zurechnung der gerechtigkeit leret / da er spricht: Dem der nicht mit Wercken umbgehet / glaubet aber an den/der den Gottlosen gerecht machet / dem wird sein glaube gerechnet zur gerechtigkeit.

WIt welchen worten der zurechnung / der Apostel alles das/so sonst die obgedachten Particulae Exclusionae geben/vnd mit sich bringen/am aller herrlichsten vnd stercksten erkleret vnd bestetiget/ das nemlich vns vnserer vielfeltige ja vnzeliche sünden / aus lauterer gnaden nicht zugerechnet/sondern ein andere frembde gerechtigkeit/des Mittlers des sons Gottes/vnd also der glaube / so sich des Mittlers verdiensts/gehorsams vnd gerechtigkeit tröstet/vnd dieselbige annimpt/zur gerechtigkeit zugerechnet werde.

Derhalb

•
D Erhalten zu solcher zurechnung der Gerechtig-
keit des Mittlers / die je auffer vns ist / alle vnserer Werck /
würdigkeit vnd verdienst/nichts thun/nichts helfen / nichts
vermögen noch wirken / welchs der Apostel Paulus heist
mit Wercken umbgehen/wie es Lutherus im Deutschen ge-
geben/ das ist / Gerechtigkeit mit Wercken erwerben vnd
verdienen wollen. Dieser Glaube als das Heubstück des
heiligen Euangelij / vnd der grundfest alles warhafftigen
Trosts vnd anruffung GOTTES / ist je vnd allwege
mein einiger trost/ hoffnung vnd zuuersicht / vnd die zeit
meines lebens meine eigentliche meinung vnd lehre gewe-
sen/ Ist mir auch / das Gott / als der einige Herzkündia-
ger weis/niemals in mein sinn oder gedanken komen / an-
ders von diesem Artikel vnd Heubstück Christlicher Lehr
zu halten/oder zu leren.

Vnd nach dem ich durch Gottes gnedigen willen
so gar vnuersucht nicht bin / vnd in nöten / Creuz vnd an-
fechtung vielmals/gleich allen Heiligen gesteckt / hab. ich
auch in eigener erfahrung gelernet vnd befunden / das ein
betrübt Herz/welches seine Sünde erkennet/vnd in rechten
engsten Gottes Zorn warhafftig fürchtet vnd fühlet / nicht
kan noch soll auff eigene Werck / würdigkeit vnd verdienst/
einig vertrauen setzen/ oder derselben halben sich für Gott
rühmen/als ob im die verheissung der gnaden / derselben sei-
ner werck wegen/gegeben oder geschenckt würde/ vnd gewis
sey/Sondern so offft es die verheissung anschawet / mus ein
solch herz diese vnermessliche vnd vnausprechliche Barm-
herzigkeit / mit festem vertrauen vnd glauben fassen/vnd
auffs gewisest schliessen / das die Person allein von wegen
des Einigen Mittlers des Sons Gottes/verdienst / gehor-
sam vnd fürbit/von Gott zu gnaden angenommen/von sün-
den absol-

den absoluiert / vnd gerecht gesprochen werde. Denn wie durch eines sünde die verdammnis vber alle Menschen komē ist / Also ist auch durch eines gerechtigkeit die Rechtfertigung des lebens vber alle Menschen komen / vnd gleich wie durch eines Menschen vngheorsam viel Sünder worden sind / Also auch durch eines gehorsam werden viel gerecht / Rom. 5.

Von Guten Wercken.

DIES ist auch hierneben gewislich vnd unzweiflich war / das eben durch denselben Mittler / vnd vmb seinet willen einem solchen geengsten / warhafft betrübttem gleubigem herzen / der heilige Geist aus gnaden / vnd on alle werck vnd verdienst gegeben / vnd in dasselbige ausgegossen werde / der es wider alles schrecken der Sünde vnd des todes trösten / erquicken / vnd lebendig machen / vnd zugleich auch in das vorige Bild Gottes vernewren vnd verfleren / zu gebürlichem vnd schuldigem gehorsam vnd guten Wercken / wider anregen / treiben vnd führen / ja dieselbigen in inen selbs wircken vnd anzünden solle / das für vnd für das herz in aller freidigkeit vnd zuuersicht für Gott treten / vnd in als ein Vater frölich ansprechen möge / wie Paulus spricht : Wenn wir durch glauben gerecht worden sind / so haben wir friede mit Gott / etc.

Item / Ephes. 2. Wir sind Gottes Werck geschaffen in Christo Ihesu zu guten Wercken / zu welchen Gott vns zuuor bereitet hat / das wir darinnen wandeln sollen.

Item / Ephes. 3. Durch diesen haben wir einen zugang zu GOTT / in aller freidigkeit vnd zuuersicht durch glauben an in.

W

Item

Item / Rom. 8. et Gal. 4. Weil jr denn Kinder
seid/hat Gott gesand den Geist seines Sons in eurer her-
zen/ der schreiet/Abba lieber Vater.

Solches alles wie gemeldet/habe ich zu förderst aus
Gottes Wort/ vnd denn aus eigener erfahrung in vielen
meinen anfechtungen vnd betrübnißten gelernet / hab es
auch die zeit meines lebens je vnd allwege bekandt vnd ge-
leret/vnd wil solch bekentnis durch Gottes hülffe vnd gne-
digen beystand/wie oben bezeuget/für meines Erlösers vnd
Heilands Ihesu Christi Nichtstuel bekennen vnd bringen/
vnd mirs auch der Hellen pforten nicht nemen noch zu ni-
chte machen lassen.

Derhalben ich auch/was in diesem Artikel von
notwendigkeit der Buß vnd bekerung zu Gott / des Glau-
bens vnd neuen Gehorsams in Gottes Wort/vnd in allen
Schriften der Propheten vnd Apostel vnzehlich mal wi-
derholet vnd geleret wird/vnd in der Augspurgischen Con-
fession vnd Apologia/vnd andern dieser Kirchen büchern/
sonderlich aber in Corpore Doctrinae fleissig vnd vnter-
schiedlich erkleret wird / wie nemlich die bekerung vnd busse
geschehe/wie der neue Gehorsam möglich vnd angefangen
werde/wie derselbige Gott gefellig vnd angenehm sey / aus
was vrsachen man gute Werck thun solle/waserley sünden
auch in den Heiligen vnd gerechten in diesem leben bleiben/
oder hergegen nicht bleiben/ das ist/ die den jenigen/in dem
sie seind vnd herrschen/ nicht mehr heilig/gerecht/selig oder
Gott gefellig sein lassen / Vnd letztlich/ das allen vnd jeden
guten Wercken / in aller anruffung vnd anfechtung / dis
Liecht vnd Lere des heiligen Euangelij / das beide die Per-
son/vnd derselbigen angefangener / noch vnuolkommener/
schwacher / unreiner vnd sündiger Gehorsam / vnd gute
werck /

wereck/allein aus gnaden/durch glauben/umb des Mittlers
willen/Gott gefellig vnd angeneh sein.

Es alles sampt vnd sonderlich/welches dieses orts
nach leng auszuführen vnd zuerkleren vnmüglich / vnd viel
zu lang sein wolte/das halte/ glaube/ lere/vnd bekenne ich/in
keinem andern verstand noch meinung / denn wie in obge-
dachten diesen vnsern Kirchen bekentnüs / Apologia vnd
Corpore Doctrinae Christianae / vnd andern des Herrn
Lutheri vnd Philippi schrifften ausführlich vnd nach der
leng erklet ist/ Darauff ich mich fürs halben hiemit ziehe/
vnd obgemelte meine liebe Kinder vnd Erben/vnd die gan-
ze Kirche Gottes in dieselben disfals wil gewiesen haben/
mit dieser abermals angezeigten vnd aller höchsten betew-
rung vnd bezeugung/das mein gemüte die zeit meines lebens
nicht gewesen /vnd ob Gott wil/hinfurt nicht sein soll / ge-
dachter Bekentnüs vnd schrifften erklerung in einigem
wort zuuerndern/oder ichtes aussershalb derselben zu lere/
oder in meine schrifften zu bringen.

Ich verdamne auch / vnd verfluche hiemit in ewig-
keit alle falsche / irrige lehr / aller derer so den H E X X N
Christum nicht für iren einigen Erlöser / Gerechtmacher/
Mittler vnd Seligmacher/erkennen / annemen vnd beken-
nen/sie heissen gleich Pelagianer/ Papisten/oder wie sie na-
men haben/vnd halte sie alle auff einen hauffen für Feinde
des Creuzes vnd verdiensts Ihesu Christi.

Wd das ich noch deutlicher rede/ so verdamne ich
alle die/so die Werck des Menschen halten vnd ausschrei-
en/als ein verdienst des ewigen Lebens/ oder der Seligkeit/
oder die da sagen/das gute wereck als ein verdienst zur Se-
ligkeit nötig sind/oder das niemand one gute Werck/als on

B ij

eine

eine vrsache/oder mitwirckung zur Seligkeit/könne gerecht
vnd selig werden / oder das niemand sey selig worden one
gute Werck / als ein vrsache/vnd verdienst der Seligkeit.

Solche meinung vermaledeye ich aus grund mei-
nes herzens/vnd habe sie allwege/vnd je vermaledeiet / vnd
offentlich dawider geleret/vnd wil es auch hinfort thun / so
lang mir Gott das leben leß.

Vnd damit ja allerley irrung/gezenck/vnd misuer-
stand/genzlich abgeschnitten vnd auffgehoben würde / hab
ich auch diese reden/ Gute Werck sind nötig zur Seligkeit/
Es ist vnmöglich one gute Werck selig zu werden / Item/
Niemand ist jemals one gute Werck selig worden/welche
von meinen Widerwertigen/auff obgedachten misuerstand
zu wider meiner meinung/mit gewalt gezogen worden / für
dieser zeit/gutwillig fallen lassen/wie ich denn auch hinfurt
dauon keinen zank mit jemandis erregen wil.

Agegen halt ich nochmals für war vnd gewis/
das wer in sünden wider sein gewissen beharret / der ist nicht
bekeret zu Gott/vnd bleibt der Zorn Gottes vber im. Auch
so jemand/der in Gottes gnaden gewesen ist / wider sein ge-
wissen handelt / der betrübt den heiligen Geist / verleuret
gnade vnd hulde Gottes / leidet schiffbruch am Glauben /
vnd felt widerumb in Gottes zorn/vnd in ewige straff / wo
die bekerung nicht widerfolget.

Ich bitte auch alle vnd jede meine Kinder / Erben
vnd Freunde / vnd zu förderst alle Gottfürchtige frome
herzen / sie wolten in Christlicher erwegung vnd beherzi-
gung obgedachter meiner endlichen erklerung vnd meinuna
in diesen beiden Artickeln/ als meines Testaments vnd les-
ten wil

ten willens/darauff ich nach Gottes gnedigen Willen vnd
wolgefallen/wenn es seiner Allmacht zeit sein wird / mei-
nen Abschied von hinnen zu nemen entschlossen/ Dis mein
endlich vnd letz Testament / vnd bezeugung meiner mei-
nung / vnd bekentnüs für eine gewisse Regel vnd Richt-
schnur halten vnd achten / alles des / so ich etwa von diesen
beiden Artickeln in andern meinen schrifften vnd büchern/
vnd in allen meinen Predigten vnd Lectionen/ vnd meinem
ganzem Lereampt/bey vnd in meinem leben bekant vnd ge-
leret habe / Denn dis je vnd allwege meine eigentliche mei-
nung vnd verstand gewesen / vnd keine andere.

Darnach bitte ich/das man auch alle meine lere
vnd schreiben/nach diesem meinem bekentnüs achten / rich-
ten vnd vrteilen wolte/ was auch hiemit als meiner eigent-
lichen meinung in meiner lehr vnd schrifften vbercin kö-
met/vnd gleichstimmet / das allein hab ich je vnd allwege
lernen wollen / das halte vnd erkenne ich als meine/vnd also
GOTTES Wort vnd Lere.

Was aber wider diese meine letzte bekentnüs streiten/
oder derselben zu föderst aber Gottes Wort/ der Augspur-
gischen Confession vnd Apologia/ oder dem Corpori Do-
ctrinae Christianae zu entgegen sein / vnd mit warheit vnd
gutem bestand one vngbürliche misdeutung erweist wer-
den möchte oder könnte/das wil ich hiemit selbst verworffen/
vnd als meine lere oder bekentnüs mit nichten geachtet noch
gehalten haben.

Vnd dieweil ich mich Christlich weis zu bescheiden/
das ich auch ein Mensch / vnd in so mancherley Mensch-
licher

B iij

schwachheit / gleich andern bisweilen wol habe straucheln
vnd anstossen mögen / mich auch gar nicht für den geachtet
haben wil noch sol / der ganz one feil vnd gebrechen were/
wil ich alle Christliche herzen dieser des heiligen Augustini
wort erinnert / denen auch meine bücher vnd schrifften vn-
terworffen haben / da er von seinen schrifften selbst also zeu-
get/vnd bekennet: Negare non possum nec debeo, sicut
in ipsis maioribus, ita tam multa esse in tam multis opus-
culis meis, quæ possunt iusto iudicio & nulla temeritate
culpari. Das ist / spricht S. Augustinus / Ich kan noch
sol nicht verneinen/das wie in vnserer Vorfahren schriff-
ten/also auch in vielen meinen büchlein vnd schrifften / viel
dinges sey/welchs mit allem recht wol mag strefflich geach-
tet werden etc. Doch das ich bey diesen S. Augustini wor-
ten/alle Christliche herzen/ auch meine Widerwertigen die-
ses Sanct Ambrosij sprüchlin zuerinnern hinwider recht
vnd macht habe: Iudicet ille de alterius errore, qui non
habet in se ipso quod condemnet, Iudicet, qui non agit
eadem, quæ in alio putauerit punienda, vt cum de alio
iudicat, in se ferat sententiam, Iudicet ille, qui ad pro-
nunciandum nullo odio, nulla offensione, nulla leuitate
ducitur. Das ist / Der vnterstehe sich von eines andern
Irrthumb Richter zu sein / welcher an sich selbst nicht be-
findet / das er billich zu verdamnen habe / vnd der sey
Richter/der das jenige selbst nicht thut/das er an einem an-
dern strefflich zu sein achtet / auff das er in dem / darinnen
er einen andern richtet/ sich selbst nicht verurteile. Summa
dieser sey Richter/welcher durch haß vnd neid/durch wider-
willen vnd zorn/vnd durch gar keine leichtfertigkeit zu ur-
teilen nicht bewegt wird. Hæc S. Ambrosius.

33m

3
Im Letzten bitt ich hiemit von grund meines Her-
zen den Vater der barmherzigkeit / wie sein geliebter Son /
mein lieber Erlöser vnd Heiland Christus Ihesus / kurz
für seinem Tode in angeruffen / vnd für vns alle gebeten
hat / das er aller Christlichen Lerer Herzen vnd Gemüter in
im vnd seiner Warheit vereinigen / heiligen vnd erhalten
wolle / das sie allesampt in im eins sind / wie er der Vater
vnd Son eins ist / vnd sempetlich zu seinen Ehren / zu heili-
gung seines Namens vnd seiner Warheit / welche sein
Wort ist / vnd zu fruchtbarer Seliger ausbreitung seines
Reichs / einmütiglich dienen / vnd viel nutz schaffen mö-
gen / Durch Christum Ihesum vnsern aller
Herren vnd Seligmacher /
A M E N.

Georgius Maior Doctor /
Manu propria subscripsit.



[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]

Handwritten musical notation on a staff, including a treble clef, a key signature of one flat (B-flat), and a common time signature (C). The notation consists of several measures of music with notes and rests. At the end of the staff, there is a double bar line followed by the instruction *Recitata tacet*.



Violino 1.

23456789101112

Handwritten musical notation on a five-line staff. The notation includes a variety of note values such as minims, crotchets, and quavers, along with rests and bar lines. The music is written in a historical style, likely from the 17th or 18th century.

Handwritten musical notation on a five-line staff, continuing the piece. It features similar note values and rests as the previous staff, with some dynamic markings like 'f' (forte) and 'p' (piano).

Handwritten musical notation on a five-line staff, continuing the piece. The notation includes various note values and rests, with some dynamic markings like 'f' and 'p'.

Handwritten musical notation on a five-line staff, continuing the piece. The notation includes various note values and rests, with some dynamic markings like 'f' and 'p'.

Handwritten musical notation on a five-line staff, continuing the piece. The notation includes various note values and rests, with some dynamic markings like 'f' and 'p'.

Handwritten musical notation on a five-line staff, continuing the piece. The notation includes various note values and rests, with some dynamic markings like 'f' and 'p'.

(84.)

Handwritten musical notation on a five-line staff, concluding the piece. It features various note values and rests, ending with a double bar line.

Regita tacet //



Handwritten musical score on five staves. The notation includes treble clefs, a key signature of one sharp (F#), and various rhythmic values. The fourth staff contains the number (74.) and the word *fin*. The fifth staff is labeled *Choral.* and features a complex rhythmic pattern. The sixth and seventh staves continue the choral notation. There are blue ink scribbles at the top of the page, possibly indicating a page number or correction.



Handwritten musical notation on the left edge of the page, including a treble clef, a key signature of one sharp (F#), and various note values such as quarter, eighth, and sixteenth notes, along with rests and bar lines.

72205984







B.I.G.

Farbkarte #13

TESTAMEN-
TVM DOCTO-
RIS GEORGII
MAIORIS.



PSALM. CXXVI.

D^e mit Ehren seen / Werden mit Freuden
erndten.

S^e gehen hin vnd weinen / vnd tragen edlen
Samen / Vnd komen mit Freuden / vnd
bringen ire Garben.

Wittenberg.

Gedruckt durch Hans
Lufft.

Anno M. D. LXX.

